



Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

1. Quòd reditus ad seculu[m] multu[m] sit timdend[us].

[urn:nbn:de:hbz:466:1-50980](https://nbn-resolving.de/urn:nbn:de:hbz:466:1-50980)

de mundo transit ad claustrum bene ordinatum, gaudere debet: sicut illi qui per arcam à periculo diluuij fuerunt liberati: & sicut Loth ab incendio Sodomorum saluatus fuit; & sicut filij Israel gauisi sunt, cùm seruitutem Pharaonis & exercitum eius euaserunt: & sicut pueri à fornace ignis Babylonica fuerunt liberati. Qui mundum pro Deo reliquerunt, si id pro quo reliquerunt, viderent, non pœniterent, nec se deceptos esse crederent. Dictum est de Niniue, quæ tenet figuram mundi: Qui viderit te, resiliet à te: dictum est de muliere forti: Gustauit & vidit quoniam bona est negotiatio eius. Simile est regnum cœlorum thesauro abscondito in agro: quem qui inuenit homo, abscondit, & præ gaudio illius vadit, & vendit vniuersa quæ habet, & emit agrum illum. Qui nunc tristatur, labore & malorum perpassione regnum emendo: gloriabitur illo obtento. Malum est, malum est, dicit omnis emptor, & cùm recesserit, tunc gloriabitur.

Pro. 26.

Nam. 3.

Pro. 5.1.

Matth. 13.

INCIPIT TERTIA PARS PRIMI LIBRI, quæ monet ut eductus de sœculo, nec corde, nec corpore ad sœculum redeat. In cuius primo capitulo ostenditur, quod redditus ad sœculum multum sit timendus.

CAPUT I.

Multum timendum est ei, quem Dei bonitas de sœculo eduxit, ad illud redire corde vel corpore: ante professionem, vel facta professione. De redditu post professio-

nem;

nem; hoc patet: Qui enim sic ad s̄eculum redit: à
Deo recedit & perit. Aug. in lib. Soliloquiorum. *Lib. 1. cap. 1.*
Deum quem relinquere, hoc est, quod perire. *parum am-*
Iste recessus à Deo multum habet confusionis. te med.
Domine omnes qui te derelinquent, confun- *Hier. 17.*
dentur. Verè confusione dignus est, qui eum re-
linquit timore mali, in quo nihil habetur mali.
Qui custodit præceptum, non experietur quic-
quam mali. Quod alij esset malū, ei est bonum. *Ecccl. 8.*
Dignus etiam est confusione, qui ei præponit ali-
quod bonum, in quo omne bonū, & quo amissio
nullum retinetur bonū. Dixit Dominus Moysi: *Exod. 33.*
ostendam tibi omne bonum. Omne bonum, est *Osee 8.*
Deus: & illo amissio, omne bonum amissum est. *Colligitur*
Proiecit Israel bonum. Bonū vniuersaliter pro- *ex epist. 77.*
iicit, qui Deum deserit. Seneca. Nihil est homini *Isa. 3.*
bonum, sine se bono. Cum Deo bene est homi-
ni, fine ipso non. Dicite iusto, quia bene. August.
Tale bonum est Deus, ut nemini eum deserenti
bene sit. Verè confusione dignus est, qui eum re-
linquit à quo existit: & qui eum redemit. Deum
qui te genuit, dereliquisti: & oblitus es Domini
creatoris tui. Ingratus sensu dereliquit liberantē
se. Verè confusione dignus est, qui pessimum
Dominum, optimo præponit. Dixit Petrus Do-
mino querenti à discipulis, an vellent abire: *Deut. 32.*
Domine ad quem ibimus? Malitia Domini ad
quem itur, cùm à Deo receditur, multum debe-
ret cohibere à recessu ab ipso. Maximè in futu-
ro à Deo cōfundentur, qui à Deo recedūt, quan-
do manifestum erit toti mundo, quòd ipsi sunt
qui dixerunt Deo, Recede à nobis. Tunc Deus *Tob. 1.*
relictus ab eis, reddēs eis vicē dicet eis: Discedite *Psal. 2.*
à me

Matth. 7.
Eccl. 25.

Hier. 42.

Proverb. 6.

Ioan. 11.

Matth. 27.

à me qui operamini iniquitatem. Discedite à me maledicti in igne æternum. Discensus iste à Deo multum prouocat eius indignationem : cùm miser vermiculus Dominū maiestatis sine culpa eius dimittit. Solent magni Domini seruitores suos aliquando dimittere: sed Dei benignitas seruientes sibi non dimittit , nisi eum dimittant. Augustin. Nemo te amittit , nisi qui te dimittit. Magnitudo diuinæ indignationis aliquando ex hoc apparet , quod Deus permittit apostatas in tanta miseria esse in hoc sæculo. Conflabitur indignatio mea super vos , cùm ingressi fueritis Ægyptum. Apostatae sunt arbores in fructuosis mortuæ. In canonica Iudæ : Mundo moritur cùm de sæculo egreditur : Deo moritur, cùm ad sæculum reuertitur. Fructum seu vtilitatem vitæ qua mundo viuitur , amisit in monasterij ingressu : vtilitatē vitæ qua viuitur Deo,in egressu: & sic factus est homo inutilis. Iuxta illud: Homo apostata,vir inutilis.

*Quod multa sunt redditum ad sæculum
dissuadentia.*

CAPVT II.

Religiosus cui tentator suadet vt ad sæculum redeat , ista ad sui stabilimentum attendere debet. Saluator Lazarum ad vitam sæculi reuersurum plorat. Qui non plorauit moritum, plorauit ad sæculum reuersurum. Magis expediret aliquibus mori,quam ad sæculum reuerti, quia iuxta verbum Senecæ: Maius est periculum malè viuendi,quam citò moriendi. Item Saluator Iudæis suadéribus, vt de cruce descenderebet,